

Heinrich Rudolph Redecker

**Rector Universitatis Rostochiensis Heinricus Rudolphus Redeker/ I.U.D. P.P. ...
Ad exequias, quas Matronae ... Margarethae Siebrandts/ Viduus maestissimus Vir
... Dn. Casparus Schwartzkopff/ Civis Promarius, & Praefectus ad D. Jacobi
fidelissimus, Hodie ... paratas vult, Omnes omnium ordinum Cives Academicos
officiose invitat**

Rostochii: Kilius, 1667


<http://purl.uni-rostock.de/rosdok/ppn774760222>

Druck Freier  Zugang



Redeker, H. R.,
in
M. Siebrandt,
uxor. C. Schwartzkopff.
Rostock, 1667.

23



RECTOR ^{89.}
UNIVERSITATIS ROSTOCHIENSIS
HEINRICUS RU-
DOLPHUS *Redeker*/
J.U.D. P.P. Sereniss. Ducis Mechl. Consil.
& Consistorii Ducalis Assessor.



Ad exequias,

quas

Matrona Honestissima

MARGRETHÆ
Siebrandts/

Viduus mæstissimus

Vir Integerrimus & Spectatissimus

DN. CASPARUS *Schwartzkopff*/

Civis Primarius, & Præfectus ad D.

Jacobi fidelissimus,

Hodiè hora I. in adâ Jacobæâ paratas vult,

Omnes omnium ordinum Cives Aca-
demicos officiose invitât.



ROSTOCHII,

Typis JOHANNIS KILII, Acad. Typogr. 1667.



Salutem!



Uemadmodum nauta,
qui tempestate maris diutis-
simè circumactus, & sim-
mensis molestus defatiga-
tus est, omnibus viribus
intendit, ut ad securum
portum tandem deveniat.
Ita homo, qui curriculum
vitæ, per varios casus, per
varia rerum pericula, &
diversas vicissitudines, diu sustinuit, tandem gradus
contrahit & ad quietem se componit. Uti enim
nauta propositum sibi portum unicè exoptat, inte-
rim autem navis & ventorum impulsu, modo huc,
modo illuc, circumvolvitur, & per immensos fluctus
ducitur, eodem etiam modo mortales omnes per
momenta temporum, variis curarum fluctibus agi-
tantur, & in diversos sæpe sinus delabuntur, quan-
doque etiam scopulis illiduntur, non secus atque
illi, qui late longeque protenso pelago navigant,
quos varii & diversi sæpe sinus, ventorum vehe-
mentis

mentiam agitados excipiunt, variis enim & quandoque sævissimis tempestatibus commoventur. Idem in vita humana fieri adsolet, in omni enim ætate, multis ac magnis miseriarum procellis exagitamur, omnes, quotquot vitæ usura fruimur. In primâ quidem infantiam, dum mens nostra nimium quantum imbecillis est, nullaque firmitate roborata, quam facillime huc illuc flectimur, infantiam pueritia excipit, huic adolescentium fluctus succedunt, qui vehementioribus, sicut Ægeum pelagus, exagitantur concupiscentiæ illecebris. Sæpe namque in periculosissimos scopulos impulsî, illidunt; Tot autem in medio vitæ nostræ positi sunt scopuli, ut eos, citra naufragii periculum, vix præterire liceat, interdum quidem Zephyri benevoli placidissimo flabro nos ad insulas fortunatas, & caput bonæ spei adpellunt, mox autem cursus nostri pyxis invertitur, adeoque diverso aere rapimur, ex quo in miseras ineffabiles prolabimur, ita ut calamitatum humanarum myriades nec numerare, minus recensere possimus. Nihil proinde, quamdiu inter hæc mundi symphlegades versamur, sperare possumus, aut exoptare prolixius, quam ut ad felicitatis æternæ portum per placidam mortem, ex hac miseriarum valle, deveniamus. Ad hunc portum post exantlatos stupendos vitæ humanæ labores, & post superatas varias vitæ calamitates circumspicte etiam devenit *Fœmina benefissima* MARGARETHA Siebrandes / quæ, cum maximam humanæ vitæ partem absolvisse se perciperet, sollicita maximè fuit de bono & beato obitu consequendo, eaque de causa omnes suas actiones cum in-

finem

finem, ut futura felicitatis certa placide obdormiret, direxit. Nata autem, ut prescriptum ordinem sequamur, est hac in Deo defuncta Matrona, parentibus & virtutis & generis præstantiâ clarissimis, Patre Viro quondam Nobilissimo Amplissimo & Consultissimo Domino WEINHOLDO Siebrands / J. U. D. & Serenissimæ Danorum REGINÆ SOPHIÆ Cancellario gravissimo, Matre Fœmina Clarissimâ, MARGARETHA Beißmers: Avum paterni scipitiis habuit Virum Integerrimum HENRICUM Siebrandt / Civem & cum serico negotiatorem hujus loci celeberrimum, Aviam ejusdem loci laudat matronam honestissimam Tilsche Fresen. Avus maternus fuit Vir Amplissimus & prudentissimus MICHAEL Beißmar / Senator hujus Urbis Clarissimus. Avia ejus partis memoratur fœmina sui sexûs dotibus & ornamentis conspicua, MARGARETHA Matens. Hæc pie defuncta generis origo, hæc prosapia fuit. Non tamen absque communi omnibus innata macula natam defunctam parentes agnoverunt, ideoque sacro baptismi lavacro statim eam renasci voluerunt, sed cum paulò maturius charissimo suo patre orbaretur, tanto majori matris & tutorum curâ, in omni fœminei sexus virtutum genere sedulo educata, & in Oeconomia sacris instituta fuit, tantumque profecit, ut ea de causâ singulari ejus amore captus, Vir Prudentissimus Dominus FRANCISCUS Schrader / Senator in hac urbe Spectabilis, eam, cum consilio tutorum Anno 1631. 4. Febr. uxorem duxerit. Neque infelix aut sine prole, illud fuit conjugium, siquidem sex liberis à Deo fuit benedictum, tribus nempe filiis, rotidemque filiabus; ex quibus tamen unus filius unaque filia, in primis annis iterum exspirarunt. Quatuor

teuor vero superstites WINHOLDUS pater FRANCIS-
CUS, BARBARA & MARGARETHA conjugio elo-
ciati, nepotibus satis numerosis, aviam exhibitarunt. Primus
enim illorum WINHOLDUS Schrader / ex conjugio, cum
Ornatissima foeminâ ELISABETHA Hagemeisters /
inito, sequentes posteros reliquit, FRANCISCUM BERN-
HARDUM, WEINHOLDUM, JOHANNEM FRI-
DERICUM, MARGARETHAM, ADELGUNDAM,
ANNAM SOPHIAM & LUCRETIAM, è quibus haec
praesens avia mortem luget, ceteri peregrinis in locis eam
dolent. Alter natorum FRANCISCUS Schrader / qui Gu-
strovii sedem fixit, inibique cum lectissima virgine ANNA
Eggers / matrimonium iniiit, & unicam filiam, quae etiam
aviae suae obitum agre fere, progenuit. Filiarum natu major
BARBARA, Viro Amplissimo, MICHAELI Geismey-
Camerario & Senatori hujus loci fidelissimo, nuptui locata,
7. filios & quatuor filias feliciter peperit, è quibus natu ma-
ximus NICOLAUS pie nuper defunctus Viri spectatissimi
JOHANNIS Schnitlers / p. m. filiam sibi sociavit, ex ea-
que duos filios MICHAELEM & JOHANNEM NICO-
LAUM, in ipsa Infantia defunctos, produxit: Filia vero al-
tera septimo aetatis anno obiit; Hanc excepit URSULA
MARIA, eamque FRANCISCUS, qui itidem mature de-
functus est; Quintus ordine MICHAEL secundo aetatis suae
anno satis concessit; WINHOLDUS quarto, FRANCIS-
CUS MICHAEL tertio à natiuitate anno obierunt; Octa-
vus LAURENTIUS & sequentes nempe EUPHROSYNA
CHRISTINA, ANNA ELISABETHA & ultimus HEN-
RICUS adhuc superstites cum suis parentibus aviae obitum
acerbè lugent. Pro natu minima filia MARGARETHA, pie
defuncta generum sibi elegit Virum Spectabilem & Am-
plissimum BALTHASAR Gehrdes / Senatorem dum
viveret Clarissimum, qui duos filios, totidemque filias pro-
genuit

genuit: primus quidem natorum STEPHANUS reuerentissimus
in etate mortuus est, alter vero FRANCISCUS MAR-
QUARTUS Gehrdes LL. studiosus solertissimus in
presentiarum merore plenus est. Filia natu maxima CA-
THARINA MARGARETHA, quae corporis ob imbecilli-
tatem avia funus condecorare nequit, elocata est Viro pru-
dentissimo Dno PETRO Eggers Senatore hujus urbis so-
lertissimo, ex quo duas filias, CATHARINAM MAR-
GARETHAM, MARIAM ELISABETHAM, nec non
unum filium PETRUM, omnes superstites & luctu repletos,
peperit. Altera, URSULA MARIA dicta, Viro Spectatissi-
mo CASPARO JOACHIMO Schrödern Zythopaeo &
Civi industrio matrimonio juncta, unica pronepte MAR-
GARETHA CATHARINA, proaviam beavit. Cum ve-
ro jam jam laudatus BALTHASAR Gehrdes / beato dis-
cessu hunc mundum posse se relinqueret & conjugium cum sua
MARGARETHA hoc modo disrumperet, (secundas haec
ipsa nuptias cum Viro Amplissimo & Consultissimo DN.
REINHOLDO von Gehren / J. U. D. & Judiciu Mech-
lenburgici Provincialis Advocato & Procuratore cele-
berrimo, contraxit. Cumq; illi quatuor liberos peperisset, pla-
cide & ipsa occubuit. Duo vero ex illis liberis ANNA ELISA-
BETHA & BERNHARDUS BALTHASAR in ipsa in-
fantia diem suum obierunt, REINHOLDUS tertius illorum
alibi degit, AGNETAM vero feminam suavissimam.
Vir Experientissimus Dnus JAGOBUS BARTOLO-
MAEI Med. D. matrimonio sibi junxit, & ex illa filiolam
MARGARETHAM ELISABETHAM progenuit. Quan-
quam veropie defuncta nostra matrona, cum charissimo suo
conjugi in pacatissimo & placidissimo conjugio, aliquam diu
vixerit, tamen viro suo voto prius iduata & quatuor cum
liberis ejo obitum profecata fuit. Cumq; viro suo orbata quin-
quennium transegisset, ut sibi suisq; melius prospiceret, animu
(uum)

suam ad secunda vota applicuit, & Viro Integerrimo Dno
CASPARO Schwarzkopffen / Civi & Prefecto ad D. Ja-
cobi fidelissimo, qui ob grandem aetatem & corporis infirmi-
tatem ultimum conjugii honorem exsolvere nequit, matrimo-
nio se locavit, & ex hocce etiam conjugio, quatuor liberos sus-
cepit; quorum JOHANNES & FRIDERICUS in tenerri-
ma aetate mortui; natus minimus autem BALTHASAR nomē
militia dedit; tertio natus CHRISTIANUS Schwarzkopff
S. S. Theol. Stud. Clariss. praesens matris suae amantissi-
mae mortem agerrime fert. Vitam defunctae quod attinet,
virtutibus conspicua & honestatis fuit studiosissima, morbos
tamen & miseriae vitae hujus etiam abunde experta est. Ulti-
ma vero aegritudo eam, quatuor ante obitum septimanis, pau-
lo post, cum sacra Synaxi usa fuisset, occæpit, ut decumbere vo-
lta fuerit, cumq; hanc ipsam indie s ingravescere, neq; medi-
corum remedia, ceterum abunde adhibita, quicquam porro
operari posse, persentisceret, finem vitae suae sibi instare cogno-
visti adeoq; Redemptori suo precibus & suspiriis piissimis, totam
se se dedit, & tandem praeter lapsos. Septembr. die praesentis
anni, Anno aetatis 73. Mater equidem decem liberorum, Avia
27. & Proavia septuplici prole, placide obdormit.

Cum vero hodie honestissimae hujus matronae
exuviae terrae omnium matri mandandae sint,
nostrum erit, honorifica nostrae praesentia pie
defunctae matronae ultimum honorem exhibe-
re, ejusque corpus ad supremum suum cubile
comitari. Quod ipsum uti singuli sedulo facia-
tis, est, quod à Vobis, Cives Academici
Omnium ordinum honoratissimi,
maximè contendo.

P. P. Rostoch. sub Sig. Acad. d. 12. Septem.

Anno 1667.



